



Broj: 07-04-18
Sarajevo, 10.04.2012. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
OVDJE

PREDMET: Odgovor na poslaničko pitanje

Poslanik Nabil Naser, na Trinaestoj radnoj sjednici Skupštine Kantona Sarajevo, održanoj dana 28.03.2012. godine, u okviru tačke Dnevnog reda "Poslanička pitanja, inicijative i odgovori", postavio je sljedeće poslaničko pitanje:

"Zakon o koncesijama Kantona Sarajevo, koji je objavljen u "Službenim novinama Kantona Sarajevo", broj 27/11 od 24.10.2011. godine, stupanjem na snagu osmog dana po objavljivanju, je stavio van snage Zakon o koncesijama Kantona Sarajevo ("Službene novine Kantona Sarajevo", broj 21/03). U novom zakonu u prijelaznim i završnim odredbama nije regulisano pitanje započetih postupaka u dodjeli koncesija, t.j. da li će se u tim slučajevima primijeniti stari zakon (21/03) ili novi zakon (27/11).

Ovo navodim iz razloga što Kanton Sarajevo i dalje primjenjuje stari Zakon. Primjera radi daje se Odluka o pristupanju dodjeli koncesije za eksploataciju opekarske gline "Rapailo", Gladno polje, Ilidža, koja je objavljena u Službenim novinama Kantona Sarajevo", broj 30/11 od 30.11.2011. godine, a u preambuli odluke poziva se na član 6. stav 1. i 2. starog zakona o koncesijama Kantona Sarajevo, Službene novine Kantona Sarajevo broj 21/03."

ODGOVOR

Zakon o koncesijama Kantona Sarajevo, je objavljen u "Službenim novinama Kantona Sarajevo", broj 27/11 od 24.10.2011. godine i stupio je na snagu osmog dana po objavljivanju, odnosno 01.11.2011. godine.

Privredno društvo "Tvornica opeke" d.o.o. Sarajevo se aktom broj 189/10 od 25.10.2010. godine, obratilo Ministarstvu privrede sa zahtjevom za dodjelu koncesije na lokalitetu "Rapailo", Gladno polje, Općina Ilidža.

Članom 6. Zakona o koncesijama Kantona Sarajevo ("Službene novine Kantona Sarajevo" broj 21/03), određeno je da Skupština Kantona Sarajevo donosi Odluku o pristupanju dodjeli koncesije za određeno dobro, na osnovu Analize o ekonomskoj i ekološkoj opravdanosti dodjele koncesije koju donosi Vlada Kantona Sarajevo.

Ministarstvo privrede je pripremilo materijale za Vladu Kantona Sarajevo, koja je Zaključkom broj: 02-05-27985-3/11 od 27.10.2011. godine, usvojila Prijedlog odluke o pristupanju



dodjeli koncesije na navedenom lokalitetu sa Analizom ekonomske i ekološke opravdanosti dodjele koncesije za eksploataciju opekarske gline na ležištu "Rapailo", Općina Ilidža i predložila Skupštini Kantona Sarajevo da u skladu sa Poslovníkom Skupštine Kantona Sarajevo, donese odluku o pristupanju dodjeli koncesije.

Pošto je u skladu sa Zakonom o koncesijama ("Službene novine Kantona Sarajevo", broj 21/03), privredno društvo podnijelo zahtjev za dodjelu koncesije, sve aktivnosti Ministarstva privrede provedene u skladu sa istim Zakonom, te Vlada Kantona Sarajevo usvojila navedeni Zaključak, opravdano je kompletan postupak provesti u skladu sa istim.

S poštovanjem,

MINISTAR

Dr Rusmir Sendić

Dostavljeno:

1. Naslov
2. Evidencija
3. a/a.



web: <http://mp.ks.gov.ba>

e-mail: mp@ks.gov.ba

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

